

520_ زكاة بهيمة الأنعام (شرح كتاب الفقه الميسر) _ م / علاء

حامد

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وسلم اما بعد فما زلنا نتدارس كتاب الفقه الميسر. وكنا في كتاب الزكاة الركن الثالث من اركان - [00:00:01](#)

آآ الاسلام بعد الشهادتين والصلاة وصلنا الى زكاة بهيمة الانعام. احنا اخدنا كذا نوع من الزكاة خدنا زكاة الاثمان او الذهب والفضة وما يكافئها من العملات الان. واخذنا زكاة الخارج من الارض - [00:00:21](#)

والخارج من الارض ده شمال الزروع والثمار وشمل المعادن وشمل الركاز. واتكلمنا على الخلاف في موضوع العسل. تمام فاضل معنا آآ هذا الصنف وهو زكاة بهيمة الانعام. بهيمة الانعام الانعام هي آآ ما ذكر في القرآن - [00:00:44](#)

قال تعالى ثمانية ازواج. من الضأن اثنين ومن المعز اثنين. وفي الاية التي بعد ذلك من الابل اثنين ومن اثنين تمام؟ يبقى هم دول بهيمة الانعام. بصريح القرآن. اذا بهيمة الانعام هي الابل - [00:01:05](#)

والبقر ويدخل في البقر الجاموس. والايه؟ الضأن اللي هو الخرفان يعني. والماعز ويدخل وهو الماعز والجدي سواء الذكر ولي او انسى قوله تعالى من الضأن اثنين يعني الذكر وايه؟ وانثى يعني من المعز اثنين الذكر والانثى فالماعز والجدي والبقر - [00:01:24](#)

وطبعا البقر مش مش الذكر بتاعه الجاموس. البقر نوع له ذكر وانثى. والجاموس نوع له ذكر وانثى عشان ما حدش يفتكر الجاموس هو ذكر الايه؟ ذكر البقر يعني. لا بس هو البقر يشمل الجاموس. بس هو الجاموس عرق كده تاني. بس هو يشمل الايه؟ اللاتنين دول يسموا نوع من البقر لكن يسمى الجاموس كما تعلمون - [00:01:44](#)

فالابل والبقر والغنم عموما. هي دي هي دي بهيمة الايه؟ بهيمة الانعام. وانما سميت بهيمة من اللي بيقول لنا هنا من الابهام والابهام والاختفاء وعدم الايضاح لانها الايه لا تفصح. هي لا تستطيع ان تعبر عما تريد. فتسمى - [00:02:04](#)

لانها يعني آآ عندها ابهام وهو الاختفاء وعدم الايضاح. لا تستطيع ان توضح ما تريد فتسمى بهيمة. طيب هيقول لنا او اول حاجة في المسألة الاولى شروط الوجوب. يعني متى يجب الزكاة في بهيمة الانعام؟ زي اي زكاة هيبقى - [00:02:24](#)

في شروط مشتركة وهي النصاب والايه والحوال. وفي شرطين بعد كده هيبقوا خاصين بمهيمه الانعام. الشرط الاول معروف اللي هو النصاب. يعني ايه النصاب كما بينا مرارا؟ هو الحد الادنى من المال اللي لو معك نبتدي نقول لك يا اه انت مالك دلوقتي - [00:02:45](#)

نصاب هنستنى حول وبعد كده نطلع ايه؟ زكاة الزكاة. فالنصاب ده بيختلف حسب حسب احنا بنطلع زكاة ايه؟ زكاة الذهب امكن النصاب فيها حوالي خمسة وثمانين جرام ذهب. والله اللي معه خمسة وثمانين جرام ذهب. خلاص اول اليوم اللي بقى معك فيه خمسة وثمانين جرام ذهب احفزه. بالتاريخ - [00:03:05](#)

الهجري عشان بعد سنة هتطلع زكاة على اللي معك. بس اسئنا الحوال قلنا هنشوف والله النصاب زي ما هو او زاد تمام يبقى الحوال كله معنا. لا النصاب قل اسئنا العام. يبقى هنلغي ليه؟ هنلغي الحوال ده تماما ونستنى تاني نوصل للنصاب. لازم النصاب - [00:03:25](#)

يعدي عليه حول كامل. طب انا في الاخر بطلع على ايه؟ بطلع على كله. بس هو الفكرة ان النصاب هو عدى عليه حول كامل. واما اللي هخرج عليها خرج على الاخر - [00:03:45](#)

خلاص السنة الجاية في نفس اليوم دوت هشوف معي ايه. وهطلع عليه. هطلع عليه حسب برضو انا معي ايه؟ لو كانت اموال هيبقى

ربع لاش. صح؟ لكن لو كان الزروع. الزرع طبعا بيختلف عن عن اي صنف ثاني ان الزرع بيخرج يوم الايه؟ يوم الحصاد. فالزرع ليس له حول. بس له نصاب برضو. وقلنا ان - [00:03:55](#)

بتاعه حاجة اسمها خمسة اوسق. ودي لما بتحولها بتبقى حوالي خمسميت ستميت ايه؟ ستميت كيلو من الزرع. لكن آآ ليس فيها حول. قال تعالى الاوقات حقه يوم ايه؟ يوم حصد. ففي حاجات لها حاولوا في حاجات ما لهاش حول. لكن آآ لكن يعتبر النصاب في الاثمان ويعتبر - [00:04:15](#)

الزرار هو يعتبر في نهاية العام. بهيمة الانعام لها حول بقى. كما سيبين الدليل. يبقى لا فيه شرطين ان يبقى فيه نصاب ويبقى فيه حول. طب ايه هو الحد الادنى في بهيمة الانعام - [00:04:35](#)

الحد الادنى ده حسب النوع الماعز غير الضأن غير الايه؟ غير اللي اقصد الماعز غير الايه غير غير الابل غير البقر والجاموس. فيقول لنا هنا واحدة واحدة ان تبلغ الانعام النصاب الشرعي. ايه هو الحد الادنى في الابل؟ الحد الادنى في الابل خمس - [00:04:45](#)
ان يكون عنده خمسة من الايه؟ خمسة من الابل. وفي البقر ثلاثون. وفي البقر ثلاثون. وفي الغنم اربعون. وفي الغنم طبعا هو نصاب البقر فيه بعض الخلاف لكن هو اختار هنا ان البقر فيه ثلاثون. لقول النبي صلى الله عليه وسلم ليس فيما دون خمس زود - [00:05:05](#)
صدقة يعني خمس ابل صدقة. ولحديث معاذ بعثني رسول الله صلى الله عليه وسلم اصدق اهل اليمن. اصدقهم يعني اخذ منه الصدقة امرني ان اخذ من البقر من كل ثلاثين تبعا. هنشوف يعني ايه تبعة دلوقتي. ومن كل اربعين مسنة - [00:05:25](#)
كل الكلام اللي هيجي بيع مسن ابن لابون. كل دي اسماء للبهيمة نفسها. بس يختلف الاسم حسب سنها. في سن معين هيسموها كزا. في سن ثاني هيسموها كزا. وليه سموها كده؟ برضو كل ده هيجي. فما تستغربش في لو للاسماء. كل ده هيجي تفصيل. كل مع كل ايه؟ كل ثلاثين - [00:05:43](#)

بقر تباع. تباع ده يعني بقر برضه بس هو اسمه كده. هنقول اسمه كده ليه؟ وكل اربعين مسنة. دي برضو بقرة عادي مش مسنة دي واحدة تانية يعني. يعني بقرة برضو - [00:06:03](#)

بس هي سموها كده ليه برضو هنقول. طيب اما عن الايه الضأن والماعز؟ قال صلى الله عليه وسلم فاذا كانت سائمة الرجل ناقصة من اربعين شاة فليس فيها صدقة ما بين الاربعين شاء هو ده الايه؟ النصاب بتاع الماعز. اقل من التسعة وتلاتين ما تاخذش منه. اربعين هتاخذ منه ايه؟ كما سيأتي - [00:06:13](#)

هياخذ منه شاي. قال في في لو كانت سائمة الرجل ناقصة من اربعين شاة فليس فيها صدقة. فده لذل ان الحد الادنى في نصاب الماعز هيكون ايه؟ اربعين شاة. يبقى احنا عندنا نصاب الابل خمسة من الابل. نصاب البقر ثلاثين بقرة. نصاب - [00:06:37](#)
الشاة اربعين شاة. يبقى ده النصاب. هيتاخذ كم بقى لسه ده لسه ما قلنا هوش. احنا بنقول ده الحد الادنى للشخص اللي عنده ليه؟ اه عندك الرقم ده يبقى انت معنا دلوقتي. لو معك الرقم ده هنستنى ايه قلنا؟ حول. هو ده اللي هيقول لنا نمرة اتنين ان يحول حول كامل هجري - [00:06:57](#)

عند مالکها وهي نصاب. يعني ما نزلتش عن الايه؟ عن النصاب. يعني الابل ما بقتش اسناء السنة اربعة. لو بقت اسناء السنة اربعة يبقى الغي. ولازم يبقوا خمسة ونحسب سنة تانية. فلا بد ان تكون النصاب او تزيد. تمام؟ لحديس لا زكاة في مال حتى يحول عليه - [00:07:17](#)

الحواء. تمام. هنخش بقى في الايه في الشروط اللي هي اختصت ببهيمة الانعام. منها بيقول ان تكون سائمة يعني ايه سائمة؟ سائمة يعني بترعى كده. ترعى الكلاً المباح. يعني الراجل مش بياكلها. هي بتاكل مع نفسها. يعني مش - [00:07:37](#)
اصرف عليها اكل. مش بيحجب لها علف. مش بيحجب لها مش عارف حبوب. مش بيحجب لها بتاع تاكله. انما هي هو واخذها كده ايه؟ يرعى زي بتوع السحرة كده. ماشي بالاغنام - [00:07:57](#)

وهي بتاكل لاي مرعى آآ باي حاجة بتقابلها بتاكلها وخلص. يعني هو مش يبصر عليها حاجة. لكنها ترعى دي بيسموها سائمة. سائمة تمام؟ يعني التي تصوم يعني ترعى الكلاً المباح. ترعى ليه؟ الكلاً المباح. يعني ايه الكلاً المباح؟ يعني الذي نبت بفعل الله تعالى.

يعني هو مش هو - 00:08:07

اللي زارع لها مسلا ولا هو اللي شاري لها؟ لأ هو مش مكلف حاجة. هو ماشي بحاجته هم بياكلوا ايه؟ بياكلوا ما اخرجه الله سبحانه وتعالى دون ان يزرعه احد. بيقول في الحول او اكثره. يعني ايه بقى في الحول او اكثره؟ يعني سلامة العين دي تعرف ازاي؟ ان هي تكون طول السنة بتأكل - 00:08:27

بتاكل الكلق المباح ده الراجل ما بيصرفش عليها. او غالب السنة. ما هو مش ممكن يكون ما بياكلهاش خالص. اكيد برضو بيشتري لها حاجة كده بيدعما يعني. واخذ بالك فهنشوف الاكل اللي هو بياكله لها ده. هو غالب اكلها ولا اقل من غالب اكلها؟ فلو كان نص اكلها او اكثر من انفاق الراجل - 00:08:47

يبقى دي ما عليهاش اصلا ايه؟ زكاة مهما بلغت مهما كان عددها. لكن لو غالب اكلها كلاً مباح ومجرد اللي هو الاكل بيدعم بس كده تلت اكلها ربع اكلها بيبقى من جيبه. فدي برضو فيها ايه؟ فيها زكاه. يبقى اذا الحكم هيبقى حكم اغلبي. حسب الغالب عليها. لو الغالب عليها انها ترعى - 00:09:07

المباح يبقى فيها زكاة. الغالب عليها ان هو بينفق عليها والراجل بيحبب لها اكل او هو اللي زارع الايه؟ الزرع ده بنفسه صارف عليه. يبقى ليس فيه اصلا زكاة مهما بلغ - 00:09:27

قال ايه العدد بتاعها تمام؟ لذك بيستدلنا بقول النبي عليه الصلاة والسلام. وفي صدقة الغنم في سائماتها. في صدقة الغنم في سائماتها يعني في التي تصوم التي ترعى الكلاً المباح اذا كانت اربعين الى مئة وعشرين شاة - 00:09:37 والوصف اللي وصفه النبي عليه الصلاة والسلام ليس وصفا يعني كده يعني بلا هدف. انما وصف قيد حتى قيد قيد الوصف ده وصف يسموه قيد قيد الايه؟ قيد الغنم ان انهي غنم بالزبط؟ في في قال في صدقة الغنم في سائماتها في سئمتها. تمام؟ فده اللي - 00:09:58

تلي اذا لم تكن سائمة فاصلا ليس فيها ايه؟ ليس فيها زكاة. وقال صلى الله عليه وسلم وفي كل ابل سائمة في في اربعين بنت لابون. في اربعين بنت لابون. سئمة عكسها المعلوفة. السائمة عكسها الايه - 00:10:18

وهي التي يتكلف صاحبها العلف. يتكلف صاحبها العلف. بنت ليمون قلنا هنفهم يعني ايه بنت لابونا دي نوع من الابل برضو. فاذا كانت يا ترى اقل الحول ويعلفها اكثر الحول فليست سائمة ولا زكاة فيها. خلاص دي سهلة قوي. بيقول بقى شرط بقى الجديد - 00:10:38 لا حلو برضو سهل. بيقول الا تكون عاملة. يعني ايه؟ ما هو دلوقتي بيربي بيربي بقر مسلا. بيربيها ليه حسن ممكن بيربيها عشان يشغلها في الارض. مش كده؟ وممكن يربيها عشان لبن. ممكن يربيها - 00:10:58

عشان يسمنها وبعد كده وبعد كده تجيب له ولاده يقعد الدنيا تكبر معه. وممكن يربيها عشان يأجرها للمزارع الثانية يرعوا بها حسب نيته اذا كان شربها عشان يشغلها فدي حكمها حكم المكنة - 00:11:18

ما حكم الالة؟ ليس فيها ايه؟ زكاة. هتعتبر هنا الة عادية. كان الحيوان ده عبارة عن الة ممتلكات شخصية ممتلك شخصي هو مش مش جايها عشان يثمنها وعشان يجيب ولبن وخلفة والكلام ده. هو مربيها عشان ايه؟ عشان تشتغل في الارض - 00:11:40 اذا كانت هو ده فعلا دي نيته وهو بيعمل بها كده فعلا فدي ما فيهاش اصلا ايه؟ ما فيهاش زكاة او النوع الثاني اللي هو مربيه عشان يأجرها بزيبه عشان يأجرها برضه الناس تشتغل بها. فاذا كانت بياجرها برضو زي الالة تبقى زي الالة. هيبقى هيبقى الزكاة على ايه؟ على الفلوس - 00:12:00

اللي بياخذها مقابل الايجار دوت لكن هي نفسها ما فيهاش ايه؟ ما فيهاش زكاة. اذا ايه هي اللي فيها زكاة؟ اللي فيها زكاة هي التي اتخزها للنسل وللدر لبن والنسل. هو مربيها عشان اللبن وعشان الايه؟ وعشان النسل والسمن والكلام دوت. فاذا كان مربيها اللبن - 00:12:20

الناس يعني هي باين قوي اصل باين الحكمة. لان اللي مربيه عشان النسل واللبن ديت مال بينمو. بينمو فمنطقة ان يكون فيه زكاة. لكن اللي جايها عشان يشغلها او يأجرها ده مال غير نامي. ده مال غير نامي. وفي العادة اللي جايها عشان يشغلها ويأجرها دي مش

هيكليها تتعب في الخلفة. لان هي بتتهد في الخلفة ويقف حالها. فاكيد مش هيستعملها في كده. حتى لو خلفت مش هيبقى نيته كده يعني هو مش عايزها مش عايزة تستهلك في الايه؟ في القصة دي عشان يحافظ على قوتها. فمنطقي ان ما يكونش فيها زكاة لان هو اصلا مال غير نامي. هو عايزها كده. مش عايز - [00:13:00](#)

لبن وخلفة والكلام دوت. عشان هو هيستعملها لقوتها. سواء لنفسه او عشان بيأجرها. فمنطقي ان مش هيكون فيها ايه؟ زكاء. لان دي هتعتبر ممتلك شخصي مش مال نامي دايمًا تجد الزكاة دايمًا في المال الايه؟ القابل للنماء. القابل للايه؟ للنماء والزيادة - [00:13:20](#) وكده قلنا اختلفوا في زكاة الايه؟ زكاة حلي المرأة الملبوس. المرأة الحلي اللي بتلبسه اختلفوا فيه ليه؟ بسبب النظرة ديت. هل الحلي ده نقول ان ده ذهب يبقى لازم يطلع عليه لان هو يلحق بالذهب ولا هنعبره زي الممتلك الشخصي اللي هو غير معدل النماء واحدة تفضل طول عمرها تلبسه عمره ما هيندم - [00:13:40](#)

وبالتالي هنقول ما في هوش زكاة. من دي من النقط الاساسية في الخلاف هو ايه ليه المشكلة في زكاة الحلي بالزوات؟ لان الحلي هو زهب في حد ذاته. فهل هو يلحق بالذهب ولا يلحق بالممتلكات الشخصية - [00:14:00](#) هي دي المشكلة لكن في الابل الموضوع سهل. الابل اذا كانت ايه؟ اذا كانت معدل العمل خلاص يبقى ديت تلحق بالايه؟ تلحق بالالات. عشان كده بيقول لنا الا تكون وهي التي يستخدمها صاحبها في حرث الارض او نقل المتاع. ممكن عنده ابل بس يشغلها سفريات. مشغلها في التجارة - [00:14:15](#)

ما لوش دعوة ولا الضارة ولا نسل ولا الكلام ده. هو مشغل عنده قافلة ابل تجارة. اربعين خمسين ناقه. بس مشغلها تجارة. ده ما عليهاش ايه؟ ما عليهاش حاجة بتشيل احمال وتروح وتيجي وخلص. قال او حمل الاسقال لانها تدخل في حاجات الانسان الاصلية. او عاملها مواصلات. هي دي المواصلات بتاعة العيلة بتاعته. عندهم خمسين - [00:14:37](#)

ناقه بيركبوها بيروحوا وييجوا بها. القبيلة بتتحرك بالايه؟ بالحاجات ديت. ما عليهاش برضو زكاة. اما اذا اعدت للكراء يعني ايه الكراء؟ يعني الايجار الايجار. فان الزكاة تكون فيما يحصل من اجرتها. اذا حال عليه الحول. اذا هنا - [00:14:57](#) فايه اللي هي عليها زكاة؟ هي التي اعدت للذر والنسل. الضر والنسل اللي هو ايه؟ لبن والايه؟ والتناسل. هي دي اللي عليها هي دي اللي عليها زكاة. تمام. بيقول المسألة الثانية في قدر الواجب. خد بالك بقى قدر الواجب ده هم شوية اسماء وشوية ارقام. خدهم بقى كده ايه - [00:15:17](#)

ركز معي عشان هنتلخبط دلوقتي. تمام؟ هنقولهم ونعيد ونزيد لغاية ما ايه؟ ما تفهم بالراحة. اصل هي مش هتستوعبها مش فاهمة قوي هي حفظ. هي في ده فيه حفظ من الاخر يعني. بيقول مقدار الزكاة الواجبة - [00:15:37](#)

لما لو واحد احنا قلنا اقل حاجة فخلينا نبدأ بالليل او اقل حاجة في الابل كام؟ خمسة. طب لو عنده خمسة يطلع ايه؟ بيقول يطلع شاة جذع من الضأن. شا جزع من الضأن. ضأن ايه؟ بيشمل الايه؟ الماعز والايه؟ والايه؟ الغنم اللي هو الخرفان يعني - [00:15:53](#) بيقول او ثنية من المعز. يبقى احنا كده عندنا اسمين دلوقتي. في حاجة اسمها في الماعز جزع وفي حاجة اسمها ثنية. الجزع هي اللي لها سنة كسرت سنة. سنة وماشية في الثانية. والثانية هي اللي عندها سنتين وماشية في الثالثة - [00:16:13](#)

جزعة هي التي الغنمة اللي لها ايه؟ سنة وماشية في الثانية. والثانية هي اللي هي سنتين وماشية في الايه ماشية في التانت فلو هو عنده لو عنده خمسة من الابل يطلع اما خروف عنده سنة او معزة عندها سنتين. سهلة كده؟ لو عنده خمسة - [00:16:33](#) سمنا الابل يا اما يطلع خروف عنده سنة وماشي في الثانية يا اما يطلع معزة او جدي عنده ايه؟ عنده سنتين. اللي هم متفقين طيب طيب لو يبقى طبيعي لو عنده عشرة من الابل هيطلع ايه؟ شاتي سهلة كده لو عنده - [00:16:57](#)

خمستاشر ثلاث شياه. لو عشرين اربع شياه هنا بقى هيقف الايه؟ هيقف التسلسل الطبيعي. كان لغاية عشرين او ممكن تقول لغاية اربعة وعشرين عندنا ماشية منطقي. ان هو كل خمسة فيهم ايه؟ فيهم شاة. من اول عشرين هيبدا الايه؟ الدنيا القفزة هتبقى اكبر شوية. القفزة هتبقى اكبر. بيقول من خمسة - [00:17:17](#)

وعشرين لخمسة وتلاتين. من خمسة وعشرين لخمسة وتلاتين. بنت مخاض من الابل هنا الاول القفزة هتختلف من اول خمسة وعشرين اه بيقول اه اه من اول خمسة وعشرين القفزة بتاعتي انا لغاية رقم اربعة وعشرين معي كم دلوقتي؟ اربع شياه. من اول خمسة وعشرين - [00:17:42](#)

القفزة هتختلف والنوع هيتختلف. من اول خمسة وعشرين مش هطلع ايه؟ شياه خلاص. هبتدي اطلع من الايه؟ من الابل نفسه اول ما بقى عندي خمسة وعشرين. اول ما بقى عندي خمسة وعشرين من الابل هبتدي اطلع من الابل نفسها الزكاة. من خمسة وعشرين الى - [00:18:05](#)

خمسة وتلاتين هيطلع بنت مخاض. طبعا متوقع انت دي هيبقى قبل عنده كم؟ سنة. فدايما دايما بنبدأ سنة سنتين تلاثة كده. بنت هي اللي عندها سنة. طب سموها ليه بنت مخاض؟ بنت مخاض. بيقول هي ما تم لها سنة وماشيه في الثانية - [00:18:25](#) وسميت بزلك. لان الغالب ان امها قد حملت. فهي الان ماخض اي حامل. ان الابل بتحمل كل ايه؟ ممكن كل كل سنة. فبيقول لما هي دلوقتي البنت عندها سنة اكيد امها دلوقتي ايه حامل. في الغالب امها حامل - [00:18:45](#)

فدلوقتي امها حامل دي في اللغة تعني ما خض. فهي بنت مخاض. مخاض دي اللي هي امها يعني. بس مخاض يعني حامل يعني من الاخر فبنت مخاض العرب بتسميها بنت مخاض يعني عندها سنة. معنى ذلك ان ايه او المخاض في الغالب لو عندها ابن او بنت هيبقى عنده كم - [00:19:03](#)

هيبقى عنده سنة. وتلاحظ بنت مخاض يعني هيطلع انثى ولا ذكر؟ هيطلع انثى. هيطلع انثى عندها ايه؟ عندها سنة وماشيه في الثانية تمام؟ بيقول فان لم يجدها اجزأه ابن لابون ذكر - [00:19:25](#)

ابن لامون ذكر. خد بالك انهي في الابل اهم الانثى ولا الذكر؟ الانثى طبعا. وهي اقيم بكثير من الذكر. يعني ممكن اتمنى ضعف تمن الايه؟ ضعف تمن الذكر. فالناقة هي الاساس. فلذلك لو هو ما عندوش بنت عندها سنة - [00:19:42](#)

هيطلع ذكر عنده سنتين. ده قصادي. ده المناسب. احنا دلوقتي بقى وصلنا لكم؟ خمسة وعشرين لخمسة وتلاتين. يا اما طلع بنت من الابل عندها سنة وماشيه في الثانية يا تطلع ذكر عنده سنتين - [00:20:02](#)

اسمه ابن لابون. فهمت انت لابون ليه بقى؟ لان الام زمانها ايه؟ زمانها خلفت خلاص وبتعمل ايه دلوقتي؟ رجل. بترضع. يبقى الام دي اسمها ليمون دلوقتي. من اللبن. فهو ابن لبون. فلو هي لو سنة بتبقى بنت مخاض. عشان الام حامل. لكن لو سنتين هيبقى ابن - [00:20:21](#)

لمون لان هي لو كانت حامل كان زمانها ايه؟ وضعت لان هو لو هو عنده سنتين يبقى اكيد الام خلفت خلاص اللي بعديه. وبترضعه دلوقتي. فهو ابن في كلمة مخض. يبقى اللي بتكلم عليه عنده سنة. لبون يبقى اللي بتكلم عليه عنده ايه؟ سنتين. سهلة كده؟ الاسماء سهلة. يبقى انا عندي لو خمسة - [00:20:41](#)

وعشرين لخمسة وتلاتين هطلع يا بنت مخض عندها سنة يا ابن لابونا عنده سنتين. وهو ما تم له سنتين ودخل في الثالثة. وسمي بزلك لان ام طلعت الحمل خلاص. وهي في الغالب زات لبن الان. من اول ستة وتلاتين لخمسة واربعين. من اول ستة وتلاتين لخمسة واربعين - [00:21:01](#)

هاطلع بنت لابون. بنت لابون دي هيبقى عندها كم سنة؟ اتنين. خلاص فهمنا لبون يعني اتنين على طول. انا دلوقتي عليت النوع. انا كنت الاول اول بطلع انسى سنة يا ذكر سنتين. دلوقتي هاطلع انسى عندها سنتين. خد بالك الناقة كل ما بتكبر كل ما قيمتها ايه؟ تغلى جامد. واخذ - [00:21:21](#)

فانا هطلع من اول ما يبقى عندي ستة وتلاتين لخمسة واربعين بنت لابون لها سنتان. خلاص احنا وصلنا كم دلوقتي؟ خمسة واربعين. من اول ستة واربعين لستين لاحز هنا النطة كبرت بقينا النطة خمستاشر من ستة واربعين لستين مرة واحدة هطلع حقة حقة - [00:21:41](#)

برضو اسم فهمت اكيد الحقة دي عندها كم؟ ثلاث سنين اكيد منطقي. احنا وصلنا سنتين يبقى الخطوة الجاية هيبقى نطلع ثلاث

سنين. هطلع انسى عندها ثلاث سنين حقة وليه سموه حقة؟ ايه الاسباب؟ قال حقة لانها حقة الان لها ان يطأها الفحل. يعني ممكن دلوقتي تتجوز. ممكن دلوقتي تتجوز - [00:22:01](#)

كبرت بقى عندها ثلاث سنين ينفع تتجوز. فحق حق يعني بقى ايه؟ حق لها ان يطأها الفحم. يعني هي مؤهلة الان للزواج. او حق ان تركب ويحمل عليها. يعني الخلاصة ان كلمة حقة دي تدل ان هي كبرت يعني. كبرت يا اما نقدر دلوقتي نركبها نقدر نشيل عليها. تقدر تجوز. فهي كلمة - [00:22:21](#)

معبرة عن الابل لما كبرت بقى عندها ثلاث سنين كبرت خلاص بقت ينفع تتجوز ينفع نشيل عليها ينفع نركبها خلاص حقة يعني حق لها ان ان تركب او ان تتزوج او ان يحمل عليها. لذلك سموها ايه؟ حقة. هم. يعني عندها كم؟ ثلاث سنين - [00:22:41](#)

من اول واحد وستين لخمسة وسبعين اطلع جزعا جزع وهي ما تم لها اربع سنين ودخلت في الخامسة وسميت بذلك لانها جزعت مقدم اسنان اي اسقطت مقدم الاسنان. اسقطت ايه؟ مقدم الاسنان. عشان كده ايه؟ الشال الشال فاكرين الشال جزع من الضأن. جزع من الضأن اللي هو كان عنده - [00:22:59](#)

كان عنده سنة وهو اصلا الضأن في سنة بيوقع الياه؟ بيوقع السنان وبعد سنتين يطلع سنان جديدة تسمى سنوية. فالمهم يعني كلمة جزع يعني ايه؟ جزعت يعني سنانها سقطت. فالموضوع ده بيحصل في الابل لما تعدي تكسر الارباع سنين. وتخش في الخمسة. تمام. بيقول بعد كده من ستة وسبعين لتسعين - [00:23:23](#)

بنتا لبون. هاطلع اتنين كل واحدة عندها ايه؟ سنتين. من واحد وتسعين لمية وعشرين اطلع حقتان اتنين كل واحدة عندها ايه؟ ثلاث سنين. بعد المية وعشرين هنرجع ثاني للسبات. هنسبت بقى في كل اربعين بنت لابون وفي كل خمسين حقة. في كل اربعين - [00:23:43](#)

ليمون وفي كل خمسين حقة. وذلك لحديس انس في كتاب الصدقة وفيه. وفي في اربعة وعشرين من الابل فما دونها من الغنم من كل خمس شاة فاذا بلغت خمسة وعشرين الى خمسة وثلاثين ففيها بنت مخاض انثى. طيب خلينا نقولها ثاني بالجدول اهو اللي هو قائلهن وحفهمكم الكلمة اللي انا قلتها - [00:24:09](#)

دي اللي انا عديتها بسرعة. احنا قلنا من خمسة لتسعة عندنا ايه؟ شان من عشرة لاربعتاشر شاتين من خمستاشر لتسعتاشر ثلاث شيات. من عشرين لاربعة وعشرين اربع شيات. من اول خمسة وعشرين لخمسة وثلاثين بقى عندي بنت مخاض او ابن لبون - [00:24:29](#)

من ستة وثلاثين لخمسة واربعين. بقى عندي ايه؟ بنت لابون. بكبر البنت انا اهو. تمام؟ من ستة واربعين لسنتين عندي ايه حقة اللي هي عندها ايه؟ ثلاث سنين. من ستين من واحد وستين لخمسة وسبعين. عندي جزع اللي هي عندها كم؟ اربع سنين. بعد - [00:24:55](#)

كده خلاص بعد اربع سنين خلاص البتاعة كبرت خالص. هرجع ثاني واكبر العدد. يعني انا بص الدنيا ماشية ازاي معي؟ شاف في اتنين في ثلاثة في اربعة. بعد كده خلاص كفاية خش لي في الابل. هات لي ابل سنة سنتين ثلاثة اربعة. وبعد كده ارجع لي ثاني زود العدد - [00:25:15](#)

فاهم الدنيا ماشية ازاي؟ انا بدأت بالشياه اتنين ثلاثة اربعة. بعد كده خليتها قبل عندها سنة. عندها سنتين عندها ثلاثة عندها اربعة خلاص دي اكبر حاجة يعني كله سواء بعد كده. يبقى رجعتي ثاني وزود الياه؟ زود العدد. يبقى انا هاجي من اول ستة وسبعين لتسعين هأخذ اتنين كل واحدة عندها ايه - [00:25:34](#)

سنتين من اول واحد وتسعين لعشرين اخذ اتنين كل واحدة عندها ايه؟ ثلاث سنين خد بالك بقى انا دلوقتي همشي بعد كده في الحديث بينك. طبعا كل الكلام ده في الحديس بس هو ما زكرش الحديس كله يعني. بعد المية وعشرين - [00:25:54](#)

كل اربعين بنتي بنت لابون. وكل خمسين هاطلع حقها. من بعد مية وعشرين. احنا قلنا مية وعشرين وصلنا لياه؟ حقة طيب لو انا عندي مية وخمسين اطلع ايه بص ما انت لازم تقربها. تقربها حاجة خمسين لحاجة اربعين. مية وخمسين اقرب حاجة اللي هي ايه؟

تلات خمسينات. يبقى تلات - 00:26:11

حقات. يبقى عندي تلاتة كل واحدة عندها تلات سنين. طب لو مية واربعين خمس ميتين واربعين هتلاقي دايمًا تيجي معك كده. مش هتلاقي رقم ما يجيش معك. خمسين واربعين يعملوا لك اي تركيبة. خد بالك. مية واربعين يتقسم - 00:26:43

يتفصصوا كم؟ خمسينتين واربعين. يبقى حقتان وبقوا ايه؟ وبت لابون. طب مية وستين اربعينات لو دخلتني في خمسين تلخبطني دلوقتي. هي ما تجيش غير اربع اربعينات. يبقى عندي اربعة بنت لابونا. مية وسبعين - 00:27:00

يبقى شيل خمسين يفضل مية وعشرين. يبقى عندي تلات اربعينات وخمسين. يبقى تلاتة بنت ليمون وياه؟ وحقه كل رقم هتلاقي له كده. يعني عمرك ما هتلاقي رقم ما يتفصصش شوية اربعينات على شوية خمسينات. لازم هتيجي في الاخر معك - 00:27:19

تمام؟ قل لي اي رقم متين هيبقى اربع حقات. صح مش عايز اكبر عشان ايه ما نتكبلش اكثر يعني من كده بس هو متين واربعين تبقى ايه؟ تبقى ست ستة بنت لابونا. يعني اي رقم في الدنيا من بعد مية وعشرين مية وتلاتين حتى - 00:27:37

مية وتلاتين نعرف نعرف نقسمه. شيل منه خمسين هذه حقة. فاضل لك كم؟ تمانين. يبقى ممكن نخليهم بنتين لابون. يبقى بنتين لابون وياه؟ محق. اي رقم. بس طبعا انا رقم عشرات يعني الخمسة دي مش هتتحقق كل ده هيبقى هدر. يعني من مية وعشرين لمية

وتلاتين مية وعشرين هو المية وعشرين. من مية وتلاتين لمية واربعين هي هو المية - 00:27:58

في النص ده هدر انا نطتي هتبقى بعد كده ايه عشرات بس. فلو مية خمسة وتلاتين مية سبعة وتلاتين كل ده هدر. كل ده بيرجعه تاني لا قرب عشرة. لكن انا بقول مش هتلاقي نطة عشرة - 00:28:22

ما لهاش حل مية وتلاتين تبقى خمسين واربعين تاني. مية واربعين اربعين وخمسين تاني. مية وخمسين تلات خمسينات. مية وستين اربع اربعينات. مية وسبعين خمسين وتلات اربعينات. مية وتمانين خمسينتين واربعينتين. ومعنا عشرة من الاول. طلع بقى هات الالف اكس اتنين وتمانين - 00:28:35

اقعد انت اكتب بقى على الالة الحاسبة بقى. دي مش هتطلع لك ايه! دي لازم تشغل مخك. مش هتفهمها هي الالة الحقة دي. المهم يعني آآ انت ايه ايه لما كده بسأل شيخ وخالص وريح دماغك الموضوع دوت بس الشيخ يكون اه محاسبة ولا مهندس ولا اي حاجة.

طيب خلاص احنا لازم نطلع من الموضوع ده عشان - 00:29:03

آآ في يعني هتخش في الايه؟ بس ان شاء الله اللي جاي ساهل يعني خلاص انت طالما دي اصعب حاجة في في زكاة الابل اصعب واحد. ارقامها كتير قوي. بعد كده - 00:29:23

ده الموضوع كده اتمم اكثر شوية. بس انت عرفت الدنيا ماشية ازاي خلاص. فاللي جاي هيبقى انت مستوعبه اكثر. انت فهمت هي بتمشي ازاي؟ انا بكبر الزكاه كده كبر العدد يعني كبر السن الاول وبعد كده ازود في العدد وبعد كده بسبت. طيب بيقول لي الواجب في البقرة. يجب في ثلاثين بقرة - 00:29:33

تسعة وسلاسين تبيع. يعني ايه تبيع؟ من متابعة. واضح. يبقى عنده سنة. سنة ماشي وراه امه على طول. بيتبع ايه يتبع الام ما يعرفش يمشي لوحده. فسموه تبيع زي التباعة كده يعني. فده ماشي على طول ورا الايه؟ ورا الام يعني. ما لوش هو ما لوش شخصية يعني. فسموه - 00:29:53

طيب دول في اربعين الى تسعة وخمسين مسنة. مسنة مش عجوزة يعني. مسنة هنا معناها عندها سنتين. عندها سنتين. وسميت بذلك لانها طالعة هتلاقي اسنان طلعت لها اسنان. طب من ستين لتسعة وستين تبعان - 00:30:13

منطقي ان احنا قلنا في ثلاثين تبيع يبقى من ستين لتسعة وستين هيبقى ايه؟ تبعان. وبعد كده بيقول في كل ثلاثين تبيع وفي كل اربعين مسنة. نفس الكلام سهلة وهكذا مهما بلغت. يبقى انا عندي من ثلاثين - 00:30:30

تسعة وتلاتين تبيع هنا اربعين لتسعة وخمسين مسنة من ستين لتسعة او ستين تبعان. طب سبعين هقسما بقى. من اول ما امسك سبعين هبتدي ايه؟ اقسام. السبعين دي تبقى ثلاثين واربعين. يبقى - 00:30:49

ومسنة. يبقى بقرة عندها سنة وبقرة عندها ايه؟ سنتين. طب تمانين؟ مسنين. يبقى مسنتين؟ تسعين ثلاثينات تلاتة تبيع تمام مية

هيبقى اربعين وتلاتين طين يبقى موسنا متابعين تمام؟ سهلة جدا. بس هي اول طلعة بس بتتحفظ. وبعد كده بتثبت انت بعد كده. تمام؟ فدي برضو ايه ما فيهاش حاجة يعني. كل تلاتين تبيع وكل اربعين - [00:31:09](#)

موسم لكن في الاول الارقام بتبقى ماشية مش مش بترتيب قوي وبعد كده بتلاقي اتسبت بعد بعد رقم معين لقينا سبتنا. زي بعد مية وعشرين في الابل سبتنا. وبعد ستين في الايه في البقر هنتب برضو. سهلة كده خلاص يبقى ديت الايه؟ البقر. بيقول قدر الواجب في الغنم - [00:31:39](#)

الغنم يجب فيه اربعين من الغنم الى مائة وعشرين شاة. ده اكبر فاصل في بهيمة الانعام. من اربعين مية وعشرين شاقة واحدة بس. مهما كان. اربعين خمسين سبعين ثمانين مية وعشرة. مية تسعنا مية وعشرين هي ايه؟ شارع واحد - [00:31:59](#)

بعد كده بيقول من مية واحد وعشرين لمتين شاتين. ليه؟ واضح لان اصلا الغنم اصلا يعني مش مش غالي يعني. فلازم النبتة تبقى كبيرة عشان ابتدي اعمل فرق. فلازم القفزة تبقى كبيرة. لكن انا في الابل الخمسة الخمسة رقم. يعني اعرف يعني ايه خمسة -

[00:32:19](#)

يعني ميت الف جنيه. انت لو فكيتته غنم هيطلع معك سبعين سبعين غنمة مسلا. يعني ايه الرقم لازم يبقى النطة كبيرة عشان كده منطقي كان من ايه؟ من اربعين لمية وعشرين. بص النطة ثمانين. فتحس الثمانين دول هم الخمسة من الابرة. شبهها. تلاقي الايه

السعر قريب - [00:32:39](#)

ثمانين غنمة يجيب لك خمسة من الابل تقريبا او قريب يعني. بعد كده النطة من مية واحد وعشرين لمتين. برضو نطينا ثمانين. يبقى

انا عندي من اربعين لمية وعشرين شاي - [00:32:59](#)

من مية واحد وعشرين لمتين شاتين من متين وواحد لتلمية يبقى نطيت مية المرة دي. ثلاث شياه. وبعد كده نسبت بقى. كل نية

شاة. خلصت. مهما وزك لحديث انس وفيه وفيه صدقة الغنم في سائمتها اذا كانت اربعين الى عشرين ومئة - [00:33:12](#)

فاذا زادت على مية وعشرين الى مئتان شاتان. فاذا زادت على مائتين الى ثلاثمائة ففيها ثلاث فاذا زادت على ثلاثمائة ففي كل مائة انشاء سهلة جدا. يبقى انا عندي تسعة وتلاتين ما فيهاش حاجة. ونازل. اربعين لمية وعشرين شاة. مية وعشرين لميتين شاة -

[00:33:36](#)

متين لتلمية تلت شياه ربعية اربع شياه خمسمية دي اسهل واحدة دي سهلة خالص. كل مية وخالص. يبقى ربعية تسعة وتسعين فيها كم اربع اشياء. خمسمية خمس شياه. هي كل مية وخالص. ما فيش بقى الايه؟ اللخبطة بتاعة تلاتين والسبعين وايه؟ القصة اللي

حصلت في - [00:33:56](#)

اه فينا في في الابل والبقر. لكن ديت سهلة خالص. كل مية شاة من باول لتلمية اول صحيح الحقيقة هو من اول متين. احنا كان العد بس هو من اربعين لمية وعشرين من مية وعشرين لميتين بس. بعد كده الحقيقة احنا سبتنا من بعد المتين. من متين لتلمية كاتشاة

ربعية خمسمية كله ايه؟ كله بعد كده اه من متين لتلمية قلنا ايه - [00:34:16](#)

تلات من متين من متين لتلمية شاتين. اه تلات شهيان اسف. اه صح لا احنا سبتنا من اول لتلمية كده. لان من متين وتلمية ما

مشاش على نفسي ليه؟ على نفس النزام. من متين لتلمية تلت شياه - [00:34:36](#)

خد بالك بعد كده كل مية فيها ايه؟ كل مية فيها شأن. فما زاد على ذلك ففي كل مائة شاء. يبقى انا عندي لتلمية تسعة وتسعين فيها

تلاتة برضو تلات شياك - [00:34:50](#)

من اول ما اوصل رقم ربعية هيبقى فيه كم؟ يبقى هو كان ممكن الادق يكتب هنا في الجدول اللي معه الكتاب من متين واحد الى

كام؟ الى لتلمية تسعة لتلمية تسعة وتسعين - [00:35:00](#)

بتلمية تسعة وتسعين. ان انا في الحقيقة في كل مائة شاء امتى هجيب الاربعة؟ لما يبقى معي كم؟ ربعية. فيبقى انا التلات شاة دي

ماشية معي من اول ميتين اثنين واحد لغاية كام؟ لتلمية تسعة وتسعين - [00:35:14](#)

كده الرقم ده لعله الاقرب ان هو كان اتكتب لتلمية تسعة وتسعين. بيقول المسألة الثالثة في صفة الواجب. ده بقى ايه؟ احنا قلنا الاول

شروط الزكاة. بعد كده اه النصاب قد ايه النصاب قد ايه وبعد كده الزكاة تبقى كم بقى؟ بيقول بقى الزكاة اصلا تبقى الصفة بتاعتها -

[00:35:28](#)

اصل انا بتكلم في كائنات حية. هاخذ انهى بقى؟ هاخذ احسن حاجة عنده؟ ولا اقل حاجة؟ العيانة ولا الكويسة ولا انصف حاجة ولا سميعة ولا رفيعة ما هو الكورة دي فيه ميت حاجة عنده انا هاخذ انهى شاة؟ انهى ابل - [00:35:48](#)

بيقول وازن الاسلام. بتشريعه العادل بين المصالح. للفقراء والاغنياء. يعني لا نظم ده ولا نظم ده. فندب الى اخذ الفقير حقوقه كاملة غير منقوص. وندب الى مراعاة حقوق الاغنياء في اموالهم. انا لا اظلم ده ولا اظلم ده لا ادي ده حاجة تعبانة ولا اخم ده احسن حاجة عنده - [00:36:04](#)

خلينا في الوسط. لذل حدد الواجب في الزكاة ان يكون من اوسط المال. لا من خياره ولا من شراره. لا احسن حاجة عنده ولا اسوأ حاجة عنده يجب على الساعي اللي هو العامل يعني اللي بيجمع الزكاة مراعاة السن الواجبة. اذ لا يجزئ اقل منها. ده السن ده ما فيهبوش كلام. ما فيهبوش ما فيهبوش مجاملة. السن خلاص هو - [00:36:24](#)

كبار السن لانه اضرار بالفقراء ولا يأخذ اعلى منها لانه اجحاف بالاغنياء. الصفة بقى بيقول لا يأخذ المريضة ولا المعيبة ولا الكبير الهرم لانها لا تنفع الفقير وبالمقابل لا يأخذ الاكولة وهي السميعة المعدة للاكل اللي هي بتجيب لحمة جامد جدا وبتخل وبتخلف كتير وبتاع وبتطلع لبن كتير قوي هي دي - [00:36:45](#)

ما له؟ فما تاخدش دي ولا الربا وهي التي تربى ولدها. ما تجيبش واحدة ممكن تربى العيل اصلا. يتأذى العيل ده ولا الناقد وهي الحامل ولا الفحل المعد للضراب. الفحل المعد يعني الذكر اللي هو بيجامع الناس يعني. فده طبعا بالنسبة لهم قيمة. هو الذكر اللي له قيمة عندهم هو اللي ايه - [00:37:09](#)

هو هو اللي ايه؟ اللي بيجامع الناس. لان دوت هو سبب التناسل. خد اي زكر بس ما تاخدش الذكر اللي هو ايه؟ بيعمل الموضوع دوت. بيقول آآ حرزات المال وهي خيارها التي تحرزها العين - [00:37:30](#)

لان من كرائم الاموال واخزها اضرار. يعني المهم اللي هي الحاجة الحلوة اللي بيحبها يعني هي مسلا دي بيحب قوي ديت. خلاص سيبها له. حتى لو هي من وسط ما له. بس هو - [00:37:48](#)

بيحبها شكلها جميل مسلا. عنده ابل شكلها روعة. شكلها جميل. آآ لها لون مميز. رملية كحجم وكده عادية بس هو متعلق بها اللي بيشفها بينبهر بها. الله شكلها جميل. احسبها له دي برضو. فلا احنا هناخذ اللي هي المميعة في الحجم والسمن ولا حتى اللي شكلها - [00:37:58](#)

بالنسبة لك مميز. هناخذ العادية العادية الوسط. بيقول قول النبي عليه الصلاة والسلام واياك وكرائم واموالهم. اياك لما اوصى معاذ ابن جبل صدقة قال اياك وكرائم واموالهم. واتق دعوة المظلوم فانه ليس بينه وبين الله ايه؟ حجاب. ولما - [00:38:18](#)

روي عن عمر انه قال لعامله سفيان اللي بيجمع الزكاة قل لقومك انا ندعو لكم الربا اللي هي بتربرب بكده بسرعة يعني والماخض الحامل وزات اللحم وفحل الغنم ونأخذ الجزع والسني وزلك وسط بيننا وبينكم في المال. يعني لا نأزيكم ولا تؤزونا. تدونا السن المزيوط - [00:38:38](#)

حاجة كويسة ومش هناخذ احسن حاجة عندكم وده الايه ده الوسط. تمام؟ الا طبعا في حالة واحدة ان يكون كل الحاجة اللي عنده معيبة. هعمل ايه؟ هاخذ واحدة معيبة. مش هروح اقول له اشتري لي واحدة ايه؟ نص نص. هي دي بتاع هو ده اللي عندي. يعني واحد في صحرا مسلا - [00:39:02](#)

اكل ما فيش. فكلهم خسين. فخلاص هاخذ واحدة منهم واخذ بالك؟ ما هو ده اللي عنده. مش هقول له رح اشتري واحدة نص نص. ما هو انا ما عنديش غير دول - [00:39:20](#)

او العكس كل اللي عنده ما شاء الله وحوش. هاخذ واحدة منهم. ما هو ما فيش غير كده هو ده اللي عنده. مش هسيبهم واقول له طب رح اشتري لي واحدة ونص. هو ده اللي عنده - [00:39:30](#)

فده الحالة الاستثنائية اللي ممكن اخذ حاجة مش كويسة او حاجة كويسة اوي. ان هو يكون كل الحاجة اللي عنده كده بيقول المسألة الرابعة يا اخي المسألة بيقول الخلطة في بهيمة الانعام. يعني ايه الخلطة دي؟ حاجة كده مميزة في موضوع موضوع زكاة بهيمة الانعام - [00:39:39](#)

ان ان بهيمة الانعام اهم حاجة عند العامل لو بيأتي يجمع الزكاة ده العدد بغض النزر العدد ده بتاع مين خد القاعدة العامل بيأتي هيلقي مرعى واحد الناس ابل او غنم بياتوا في مكان واحد بياكلوا اكل واحد بيحلبوا في مكان واحد - [00:39:57](#) هيعدهم وهيقول عليهم كذا خلصت بتوع مين ما يفرقش معي ان شاء الله يكون بتوع عشرة. بتوع اتنين بتوع واحد انا يهمني ليه؟ ان كل دول مع بعض فدي حاجة النبي عليه الصلاة والسلام بين ان الخلطة مؤثرة - [00:40:20](#) الخلطة مؤثرة ايجابا وسلبا ايجابا وسلبا. وفي نفس الوقت لو نفس الشخص عنده هو ما له بس متفرق مش مع بعضه هتأسر برضو بمعنى انا دلوقتي عندي عشرين من الغنم - [00:40:36](#)

وفيه جاري عنده عشرين من الغنم. فقلنا عشان نوفر نعمل ايه؟ خليه بياتوا في مكان واحد ويسرحوا مسرح واحد. والفحل واحد واياه؟ ونحلب مع بعض كل حاجة حاجة مع بعض - [00:40:55](#) فريق العامل هيلقيهم كم؟ اربعين. هيقول لهم عليكم ايه؟ شاة. فهختاروا شوي وخلص واحد كده ويقسموها بقى ما بينهم بالتمن ولا اي حاجة وهيدوها له لو كان اتعامل مع كل واحد لوحده ما كانش ولا واحد فيهم ايه؟ هيدفع اي حاجة. تمام - [00:41:06](#) طيب مسال مسال ثاني مسلا هيبقى مسال مسلا آ فيه ميزة ليهم مسلا ان او او خيلنا نقول المسال بتاع الشخص نفسه هو الشخص نفسه بصوا بقى الواحد عنده اربعين شاب - [00:41:23](#)

بس عنده عشرين في مصر عشرين في اسكندرية دوت العامل هيجي مش هيجي ياخذ منه ايه؟ اي حاجة. لان هو بيجي هنا بيلقي ايه؟ عشرين. بيروح هناك يلاقي عشرين خلاص. فدي اسرت ايجابا ولا سلبا هنا - [00:41:38](#) سلمى عادي عنده مية عنده ميتين. متين شاة. رقم كبير. بس بس عنده عشر اماكن. في كل مكان عشرين. هو مش متعمد كده هو هو ظروفه كده في كل بلد عنده ايه؟ عنده حظيرة. حاطط هنا ثلاثين وهنا عشرين وهنا خمسة وثلاثين. ما علوش اي ايه؟ اي حاجة. رغم ان انت لو حسبتته كان - [00:41:52](#)

هيبقى عليه شاتين لان هو عنده ميتين. واخذ بالك؟ فالخلطة تؤسر ايجابا وسلبا. تمام؟ بغض النزر الخليط ده بتاع واحد او بتاع اكر من واحد فده مش مؤثر. انا يهمني العدد وخلص - [00:42:14](#) هنا بيقول لنا النوع الخلطة نوعين. النوع الاول خلطة اعيان. اعيان يعني المال المشترك بين اتنين في الملك ما شاع ما بينهم لم يتميز نصيب احدهم عن الاخر وتكون خلطة الاعيان بالارس وتكون بالشراء. يعني ايه الكلام دوت؟ يعني انا دلوقتي ممكن خيلنا نقرا الثانية. بيقول خلطة او صاف - [00:42:28](#)

ان يكون نصيب كل من هم متميزا معروفوا ويجمع بينهما الجوار فقط. بمعنى احنا دلوقتي انا وانت عندنا اربعين شاب بس ما ما فيش حاجة اسمها دول بتوعي دول بتوعك. احنا عندنا اربعين شاي. نصهم بتوعي ونصهم بتوعك. مين بتوع مين بتوعك؟ ما فيش. ده اسمه ايه؟ مشاع - [00:42:49](#)

المشاع ده يحصل ايه؟ ايه يحصل ازاي؟ يحصل مسلا بالارس انا وانت ورسنا اربعين شاة. ما فيش واحدة بتاعتي وواحدة بتاعتك. هم الاربعين دول بتوعي انا وانت خلاص بيقى ده اسمه ايه؟ ارس مشاع وده ملك مشاع. غير مميز بتوعي من بتوعك. دي خلطة مؤسرة. بيقول لنا النوع الثاني يكون خلطة بس كل واحد عارف ايه - [00:43:07](#)

بتوعه المهم هو عايز يوصل ان ده ان النوعين ما يفرقوش عن بعض حاجة. عشان بس ما تفتكرش لان احنا هنفرق ولا حاجة. هي في الاخر واحد. بس هو ميز عشان ما يجيش حد يسأل السؤال ده. طب انا لو - [00:43:29](#)

بتوعي وبقى عارفهم مش عارفهم. كده كده الخلطة دي مؤسرة. سواء الحاجة دي بتاعتنا مشاع واحنا مش عارفين دي بتاعة مين دي بتاعة مين؟ او كل واحد عارف بتوعه مش هتفرق برضو. عشان كده بيقول لنا وهي بنوعها تصير المالين المختلطين كالمال الواحد -

اذا كان مجموع المالين نصابا. وان يكون الخليطان من اهل وجوب الزكاة. عايز يقول هنا ان الحالة الوحيدة اللي الخلطة ما تأثرش لو واحد فيهم كافر اتنا مش اصلا هو غير مخاطب بالايه؟ او يعني مش العامل مش هياخذ منه. وان كان طبعا احنا قلنا قبل كده ان الكافر مخاطب بفروع الشيعة. ودي مسألة قديمة قلناها. لكن - [00:44:01](#)

العامل مش هياخذ منه حاجة فلو عرف العامل ان دي خلطة وان في واحد منهم كافر مش هياخذ ايه مش هياخذ في الحالة دي الا من المسلم بس هيقول له انت تملك كم كذا لو بنصاب هياخذ منه مش نصاب مش هياخذ ايه - [00:44:21](#)
 مش هياخذ منه لكن لازم اللاتنين يكونوا من اهل الزكاة الشرط الثاني ان يشترك المالان المختلطان في في ايه؟ في كل شيه في المراح والمبيت والمأوى والمسرح. المسرح اللي هم بيسرحوا في مكان واحد يعني. والمحلب والمرعى كل حاجة بيعملوها مع بعض - [00:44:33](#)

يعني لو هم خلطة كده مسلا بيسرحوا مع بعض بس كل كل مجموعة بتبات في حظيرة شكل لأ مش هياخذ منهم حاجة لازم يكونوا في كل حاجة مع بعض لو دول لهم فحل ودول لهم فحل مش هياخذ منهم - [00:44:54](#)
 لو بيباتوا مع بعض بس لما بيجوا بيرعوا ده بيرعى في حته وده بيرعى في حته مش هياخذ منها. لازم يستوا في كل شيه يبقى النوم كالمال الواحد خد بالك هنا الخلطة تكون مؤسرة. بيسرحوا مع بعض بيرعوا مع بعض. بيباتوا مع بعض. الفحل واحد. كل حاجة زي بعض في كل حاجة - [00:45:07](#)

يا دولا هنا الخلطة تؤثر. بيقول فاذا توفرت الشروط دي يعني اللاتنين مسلمين او ثلاثة او اربعة او عشرة مش مهم الملاك عددهم كم؟ وان الغنم كل حاجة بيعملوها مع بعض زي ما قلت لكم. هنا هيكون المال ده يعامل كأنه مال واحد. هيعامل كأنه ايه؟ كأنه مال واحد - [00:45:26](#)

فلو افترضنا ممكن من صور التأسيس السلبي لو واحد عنده اربعين والثاني عنده اربعين. لو كل واحد كان لوحده كان هيطلعه كم شادين لو اختلطوا هيطلعه كم؟ شا واحد. والعكس لو واحد عنده عشرين والثاني عنده عشرين لو كان كل واحد لوحده ما كانوش طلعه خالص. لما بقوا مع بعض - [00:45:49](#)

واحدة ان في كل اربعين من اربعين لمية وعشرين في ايه؟ فاكرين من اربعين لمية وعشرين في يعني لو واحد عنده خمسين والثاني عنده خمسين هيطلعه برضو ايه شقة واحد واخذ بالك؟ رغم ان لو كل واحد كان المفروض يطلع شالة وكل واحد كان ايه كان مع نفسه - [00:46:08](#)

لو واحد معه عشرين والثاني معه ثلاثين هيطلعه برضو ايه؟ شاي رغم ان كل واحد لو كان لوحده ما كانوش هيطلعه ايه اصلا خالص. فعشان ده معناه ان الخلطة تؤثر ايجابا وسلبا - [00:46:26](#)
 تمام؟ لكن ايه هو بقى المشكلة؟ المشكلة ان يعتمد احد ان يفعل ذلك تهربا من الزكاة هذا حرام ولا يجوز يعني اذا كان مسلا الشخص عنده عنده غنم عنده مسلا ايه آ سبعين من الغنم مسلا - [00:46:36](#)

وهو عارف ان العامل هياتي عمل ايه؟ خد خمسة وثلاثين حطهم في بلد وخمسة وثلاثين حطهم في بلد تانية. شكرا كده كده مش هياخذ مني ايه؟ مش هياخذ مني حاجة - [00:46:58](#)
 تمام؟ او عنده اربعين في بلده اربعين في بلد جه لما العامل جه جمعهم كلهم في ايه؟ في مكان واحد بدل ما كان هياخذ منه واحدة هنا وواحدة هنا. هياخذ منه في المكان اللي الواحد ايه؟ واحدة بس - [00:47:09](#)

وده نهى عنه النبي عليه الصلاة والسلام. هو قال نعم الخلطة مؤثرة لكن اذا حصلت كده يعني مش بتعمد. مش انا متعمد اعمل الخلطة عشان اتهرب من الزكاة ده معنى الحديث اللي هتقراه دلوقتي لا يجمع بين متفرق - [00:47:23](#)

ولا يفرق بين مجتمع خشية الصدقة. يعني لو هي حصلت بزروفها كده. يعني قبل ميعاد الزكاة بزروفها هو عمل حزيرتين ودي هنا شوية جت بزروفها. خلاص مش حرام لكن هو متعمد يعمل كده قبل الزكاة ما تتجمع. عشان لما العامل يجي ما يحسبش عليه هو ده

اللي حرام. لكن ازا لم يتعمد ذلك فليس بحرام. تمام؟ او - [00:47:39](#)

اتفق مع جاره قال له بص نخط غنمنا مع بعض لما الراجل ايه عشان ايه نوفر فده برضه حرام دي حيلة محرمة لكن هي جت بزروفها اتفقوا قبلها قال ما تيجي نوفر عمو - [00:47:59](#)

خلينا بيتنا واحد ومسرع واحد عشان يعني نوفر اكل وشرب وبتاع. وحصلت كده بظروف ما فيش مشكلة. لكن المشكلة في التعمد. ده معنى الحديس. لا يجمع بين متفرقين ولا يفرق بين مجتمع خشية الصدقة. وما كان من خليطان من خليطين فانهما يتراجعان بينهما بالسوية. يعني انا دلوقتي دلوقتي احنا - [00:48:09](#)

احنا طلعتنا على التمانين شاي يعني مين ومين اللي هيدفعها؟ خلاص هم بقى مع بعض. واحد يطلعها والثاني يدي له بقى فلوس ولا ولا يعني الطلعة المرة دي وانت السنة الجاية طلع من عندك. يعني يتساوي بقى ايه انه هي دي ما بينهم. قال فالخلطة تؤثر في ايجاب الزكاة وفي اسقاطها. وذلك في بهيمة - [00:48:29](#)

خاصة دون غيره. هتلاقي الموضوع ده بس بهيمة الايه؟ بهيمة الانعام دون غيرها ومثال الجمع بين المتفرق اشخاص ثلاثة كل واحد منهم يملك اربعين من الغنم فجميعها مئة وعشرون. فلو اعتبرنا كل واحد على حدة لوجب على عليهم - [00:48:49](#)

سلاس شتيها ولكن اذا جمعنا الغنم كلها فلا يكون فيها الا شاة واحدة. فهنا جمعوا بين متفرق لان لا يجب عليهم سلاس شيابا واحدة. لان يقصد ان هم تعمدوا ذلك - [00:49:04](#)

لكن لو ما كانوش متعمدين خلاص ومسال التفريق بين مجتمع شخص عنده اربعون شاة. هنا قصدي هي ده الكلام بقى. فعندما علم بمجيء العامل فرق بينها فجعل عشرين منها في مكان - [00:49:14](#)

هنا في مكان اخر فلا يؤخذ علي زكاة لعدم بلوغها النصاب متفرقة. فده طبعا حرام ان هو يتعمد ذلك انما يجب ان هو يكون عنده امانة عندما في معنى كده بفضل الله تعالى خلصنا زكاة بهيمة الانعام هنكتفى هذا القدر من هذا اليوم جزاكم الله خيرا سبحان الله كلام ربنا وبحمدك اشهد ان لا اله الا انت استغفرك واتوب اليك - [00:49:27](#)

انت استغفرك واتوب اليك. انت استغفرك واتوب اليك - [00:49:47](#)